



Republika e Kosovës  
Republika Kosova/Republic of Kosovo  
Komuna Dragash/ Opština Dragaš/Dragas Municipality  
DREJTORIA KOMUNALE PËR ARSIM



Nr.Prot.: 13/761

Datë: 21.10.2022

Duke u bazuar në dispozitat e nenit 62 paragrafi 62.3 të Ligjit Nr.037L-040 për Vetëqeverisjen Lokale, nenin 13 dhe 14 të Rregullores për Kushtet, Kriteret dhe Procedurat e ndarjes së Subvencioneve komunale 01 Nr.060/01-31587/1 i dt. 24.12.2020, Drejtori i Drejtorisë për Arsim shpall:

## K O N K U R S

Për ndarjen e 100 bursave komunale për vitin akademik 2022-2023 për studentet e komunës së Dragashit

### I. Kushtet e përgjithshme:

1. Bursat komunale ndahen për studentët e rregullt të komunës së Dragashit të nivelit të studimeve themelore (bachelor) në universitetet publike në Kosovë.
2. Të mos jenë përfitues të bursës nga Universiteti apo Ministria e Arsimit dhe të mos janë të punësuar.
3. Të mos jenë përsëritës të vitit akademik.

### II. Të drejtë aplikimi për bursë komunale kanë studentët të cilët i plotësojnë këto kushte:

1. Të jenë student të rregullt (bachelor) të fakulteteve të Universiteteve Publike në Republikën e Kosovës.
2. Të jenë studentë të vitit të dytë e më lartë;
3. Të jenë banorë të komunës së Dragashit
5. Studentët të cilët në vitin akademik 2021/22 kanë pasur statusin e studentit me korrespondencë, nuk kanë të drejtë aplikimi për bursë universitare për vitin akademik 2022/23.

### III. Kushtet e veçanta:

1. Nota mesatare prej 9 — 10 në fakultete - 25 pikë
2. Nota mesatare prej 8 — 9 në fakultete - 20 pikë
3. Nota mesatare prej 7 — 8 në fakultete - 15 pikë
4. Nota mesatare prej 6 ---7 në fakultet - 10 pikë

5. Fëmijët pa prind (Fëmijët e Dëshmorëve, Martirëve, Invalidëve të Luftës, dhe veteranëve të luftës) - 20 pikë
6. Personat me aftësi të kufizuara - 15 pikë
7. Rastet me gjendje të vështirë ekonomike dhe sociale - 15 pikë
8. Në kushtet e barabarta të vlerësimit të kritereve të përshkruara në nenin 14 të Rregullores për kushtet, kriteret dhe procedurat e ndarjes së subvencioneve të komunës 01 Nr.060/01-31587/1 i dt. 24.12.2020 përparësi kanë fëmijët e dëshmorëve, invalidëve të luftës, veteranëve të luftës, viktimave të luftës dhe të familjeve që kanë dy apo më tepër studentë dhe ata me gjendje të rëndë ekonomike.

#### **IV. Dokumentacioni i nevojshëm për aplikim**

1. Studentët të cilët i plotësojnë kushtet nga pika një (I) e këtij konkursi duhet t'i paraqesin këto dokumente:
- 2 Aplikacioni sipas formës së Komunës ( kërkesën për aplikim dhe fletëparaqitjen )
3. Kopja e ID-së së studentit;
4. Vërtetimi se studenti ka regjistruar vitin akademik 2022/2023 (origjinale):
5. Certifikata e notave (origjinale):
6. Vërtetimi që studenti nuk është përfitues i bursës nga Universiteti apo Ministria e Arsimit (origjinale).
7. (Certifikata ) Ekstrakti i lindjes:
8. Deklarata e bashkësisë Familjare
9. Certifikata për përfundimin e shkollës fillore (kopje). Çdo aplikacion në mungesë të këtij dokumenti do të konsiderohet se nuk është banor i Komunës së Dragashit më tepër se 10 vite:
10. Kopja e letërnjoftimit
11. Vërtetimi nga Administrata Tatimore që nuk jeni në marrëdhënie pune.
12. Për anëtarin e ngushtë të familjes së dëshmorëve edhe Martirëve, Invalidëve të Luftës, dhe veteranëve të luftës:  
(Vendimi/Vërtetimi se është anëtar i ngushtë i familjes së dëshmorëve)
13. Për anëtarin e ngushtë të familjes në asistencë sociale edhe:  
( Vendimi/Vërtetimi që dëshmon se aktualisht është shfrytëzues i ndihmës sociale (origjinale) )
14. Për studentët me nevoja të veçanta:  
( Vendimi/Vërtetimi zyrtar nga Ministria e Punës dhe Mirëqenies Sociale )

**Vërejtje : Dokumentet e pakompletuara dhe ato të dorëzuara pas afatit zyrtar nuk do të shqyrtohen.**

V. Për përzgjedhjen e përfituesve të bursës komunale Drejtoria për Arsim në Dragash e formon Komisionin për shqyrtimin e kërkesave për ndarjen e bursave dhe pas mbylljes së afatit të



konkursit, ky komision e kryen procesin e shqyrtimit të kërkesave dhe e harton raportin e punës, të cilin me rekomandime përkatëse ia përcjell kryetarit të komunës për miratimin e vendimeve për ndarjen e bursave.

Kandidatëve të cilëve iu ndahet bursa për kushtet e shfrytëzimit do të nënshkruajnë kontratë të veçantë, ku do të precizohen kushtet, obligimet dhe detyrat e dyanshme.

#### **VI. Dokumentet e kompletuara dorëzohen fizikisht në zyrat e DKA Dragash.**

**VII. Kandidatët të cilët nuk i plotësojnë kriteret e sipërhënuara, zyrtarët e DKA-së nuk do t'i lëshojnë Fletëparaqitjen e cila ua mundëson aplikimin për bursë.**

**VIII.** Bursat komunale për vitin akademik 2022-2023 do t'u ndahen studentëve të nivelit bachelor, të cilët i plotësojnë kushtet e përcaktuara në këtë konkurs, ndërsa lartësia e bursës është 400 €

#### **IX. Afati i aplikimit**

1. Afati i aplikimit zgjatë prej datës **24.10.2022** deri më **24.11.2022** në orën 15:00.
2. Nëse gjatë kohëzgjatjes së afatit të aplikimit ka ditë feste, atëherë afati i aplikimit do të shtyhet për aq ditë sa zgjatë festa zyrtare.

#### **X. Afati i ankesave**

Studentët të cilët konsiderojnë se kanë pasur të drejtë përfitimi të bursës komunale dhe nuk janë përfshirë në listën e studentëve përfitues të bursës, kanë të drejtë ankesë në afat prej 48 orësh pas ditës së publikimit të listave.

Ankesat duhet të dorëzohen në zyrat e DKA-së, në ndërtesën e DKRS-së Dragash.

Vendimi do të publikohet në tabelat e shpalljeve të DKA-së dhe në web faqen e komunës së Dragashit

